



Australian Government

Department of Health

Melbourne COVID-19 nih fak ngaiin dennak (spike) sinin Australia caah Cawn dingmi pawl

Melbourne pawngkam hrawng i COVID-19 nih nai te i fak ngaiin dennak cu lungrawk ngai a si, asinain mizaw tamdeuh an um rih lai tiah kan rak ruah peng. Hihi ram pumpi caah a biapimi ralrinnak pakhat a si.

Hi fak ngaiin dennak sin in cawn awk pawl kan ngeihmi theih kha a biapi tuk, asilole Australia ram pumpaluk ah tamdeuh pi a um lai i kan himlo ti kha kan hmuh, tihnung dirhmun ah kan um i COVID-19 doh in kan izuamnak a theipar hmuh dingah kan dihlak in faak piin kan tuan cang.

A biapi ngaimi bia papek in chim ka duhmi cu, COVID-19 dohnak ah teinak kan hmuh ko bu ah, Australia nih pulrai a rak ngeih hlan i kan rak um thut ning bantukin um than awk kan tha rih lo ti hi a si. Rungrul cu kan sin ah a um rih ko i, caan zeimawzat chung a um rih ko lai – cun vawlei cung huap sining ah pehzulh in a zual rih ko, a tha deuh rih lo.

Victoria i fak piin dennak nih takpum ihlatnak le a thami thianhlimnak, le zawt tik i inn ah umnak pehzulh in kan tuah lo ahcun zeitluk in dah zawtnak a chuah a fawi ti kha a langhter. COVIDSafe app dawnglawt (download) tuah in ngandamnak lei nawlgeitu pawl nih COVID-19 zawtnak a ngei tiah fehtermi mizaw he naihnam in pehtlaihnak a ngeimi rianrang in an kawl khawh hna nak ding a biapitnak i ralrin peknak zong a si fawn.

Rianrang deuh in “zawtnak kawlkhawhnak” nih mizaw he naihnam in tonnak a ngeimi pawl kha a kawl khawh hna lai i, rianrang deuh in rungrul a karhnak an runven khawh lai.

Cu caah Melbourne fak piin dennak nih zeidah kan cawn cang? Zawtnak thar an hmuhmi pawl a tam-u cu innchungkhar tonpumhnak he pehtlaihnak a ngeimi an si hna.

Hi hi hin zeidah a kan chimh? Cheukhat Australia minung pawl cu COVID-19 hi tihnung lemlo ah a ruatmi an lo, tha tein a hngalmi minung pawl sin hmanh ah – innchungkhar chungtel pawl telhchin in.

COVID-19 ruang i khenkhammi pawl donghter a si bantukin minung tamdeuh kha inn pawl le hotel le rawldawr pawl tibantuk hmunhma pawl ah an itong kho hna, cheukhat Australia minung pawl cu a himmi takpum ihlat in umnak ah zapi tuah ding kha an ithim lo. Hi nih hin a dang tihnung ah a chiah, kumkhua upa deuh mi pawl, COVID-19 nih a chuahpimi ah ipaih dingin a derthawm deuhmi innchungkhar chungtel pawl, tampi in a ummi mibu pawl sinah a si theo.

Cu caah, zaangfahnak in, din ruah asilole ei ruah ah hmun pakhat asilole pakhat khat inn ah hawikom pawl he ton dingin na kal ahcun, takpum ihlatnak tha tein ngeihnak in him tein tuah hrimhrim uh.

Hi a biapimi bia he na innchungkhar chungtel pawl, hawikom pawl, innpa pawl sin ah chimhchin ding le nan mibu le riantuannak lei pehtlaihnak hmangin thanhchin dingah kaan forhfial.



Australian Government

Department of Health

Takpum ihlat in umnak le a thami thianhlimnak tuahnak le Mirangholh a thiamlomi pawl mibu sinah COVIDSafe app dawnglawt tuahnak timi a biapi tukmi pawl ngah dingin kan tuah peng a herh tikha Victoria fak piin dennak nih a kan chimh rih fawn.

COVID-19 pulrainak a than bantukin miphun cawhthup in a ummi mibu pawl a hnuvik thil cang theih lengmang dingah thazaang fak piin chuahnak a um cang.

Tahchunhnak ah, pumpaak, innchungkhar pawl le riantuannak pawl bawmh dingah a biapimi thawngthan cu holh 63 in leh a si.

Thawk a si ri in vuapsaih (website) ah *nangmah holh in COVID-19 thawngthanhmi* a zohmi minung 900,000 nak tamdeuh an si.

Ramchung lei Kongkau Tawlirelnak Phutthen (Commonwealth Department of Home Affairs) nih a mibu pehtlainak zung i bawi pawl hmangin miphun cawhthup in a ummi mibu phu pawl kha voi 4300 nak tamdeuh rampumpi huap in pulrai aa thawk ri khan pehtlainak a tuah cang hna.

Hi leng ah, cheukhat pawl cu tuah an herhlo mi kha COVID-19 cheknak kongkau ah an lungrethei men lai kha a fiang ngai. Cu caah hmailei thiltuah dingmi zeimawzat kong ah tha in pe hna ning: Australia Acozah nih bawmhmi GP hruaimi Thawchuahnak lei Seekhaan (Australian Government GP-led Respiratory Clinic) ah cheknak tuah kha a lak bak a si – cun Medicare card (kat) na herh lo.

COVID-19 tei dingah tuah dingmi tampi a taang rih i atu hi cu hngam in um caan a si rih lo. Zaangfahnak in takpum ihlatnak le a thami thianhlimnak kha pehzulh tein tuah. Cun zaangfahnak in, na dam lo ahcun inn ah um.

Australia Acozah Siisaya/ma Hoatu le Naungeihertu Siisayama Lutlai, Alison McMillan